



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xxvij Ignatius Bischoff zu Allexandria.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

Ius  
E  
xxvj  
Polys  
carpus.

Dieser ist ein Jünger gewesen Ioannis Apostoli, Er hat viel jarlang in Minori Asia zu Smirna, die Christliche Kirchen regieret/ Er hat ganz häfftig gelehret/ geprediget vnd gestritten / wider den verderblichen Keger Marcion / Endlich / dieweil er im Christlicher bekandnuß beständiglich beharret / vn̄ dem Teufel vnd Tyrannen nicht hat wollen in Christlichen sachen weichen / ist er im 86. Jar seines alters vnder M. Antonino & L. Vero, Römischen Keysern / im Jar Christi 170. auff einen Scheiterhauffen / mit Feuer angezündet / gelegt worden / Dieweil in aber das Feuer nit hat wollen verzehren vnd ertöden / ist er auff befehl der Tyrannen im Feuer erstochē worden / Vnd wie das Goldt / also auch sein glaube vnd beständigkeit / durch solches Creuz vnd Marter / bewert worden / Darvon Eusebius libro 3. capit. 35. libro 4. Capite 15. libro 5. cap. 20.

mo  
S  
xxi ij  
Janas  
tius.

Dieser ist auch ein discipulus gewesen / Ioannis Euangelista, vnd ein Christlicher Bischoff zu Antiochia / Er ist im enlfften Jar des Keyfers Traiani / gefänglich ghen Rom geführet / vnd daselbst Christlicher bekandnuß halben

halben verurtheilet / daß er den Löwen / ihn zu zerreißen / solte fürgeworffen werden / Ob sollichem vrtheil vnd gräuwlichen todt hat er sich ganz nicht erschreckt / oder von bekandter warheit abzwingen lassen / sonder da er das brüllen der wilden Thier gehört / hat er mit freudigen Christlichem gemüth gesagt : Frumentum Christi sum, & per dentes bestiarum immolor, vt mundus panis inueniar, Das ist / Wolan / ich bin ein Frucht oder Korn des Herren Christi / vnd muß jetzt von den zäner der wilden Thier zermahlet werde / darmit ich ein sauber vnd reyn Brodt erfunden werde Eusebius libro 3. cap. 36. Item, Iero. in Cata. script.

Der Carolus wird darumb in die zahl der Heiligen Christen gezehlet / dieweil er viel Christlicher tugent vnd thaten begangen hat / Sein Vatter hat Pipinus geheissen / welcher den Franckis erstlich den Christlichen Namen vnd Glauben zuerkennen geben hat / Er hat angefangen zu regieren Anno Christi sieben hundert neun vnd sechsßig. Er hat auch Rittermessige vnd glückliche Kriege wider die vnglaubigen geführt.

Zum ersten in Aquitania / hat er die Vascones vberwunden.

Zum

bi  
 G  
 xxviii  
 Carolus